



SAOPŠTENJE ZA MEDIJE

U Posušju otvorena dm prodavnica na novoj lokaciji

Širok asortiman, posebne pogodnosti i podrška zajednici

Posušje, 6.3.2025. – U Posušju je otvorena dm prodavnica, koja je od danas dostupna kupcima na novoj adresi – Katarine Zrinske bb. Osim prepoznatljivog dm asortimana, koji obuhvata proizvode za ljepotu, njegu, zdravlje, mame i bebe, domaćinstvo i još mnogo toga, dm je pripremio i posebne pogodnosti povodom otvorenja.

Na dan otvorenja, svi kupci dobili su ceker na poklon, dok su za kupovinu u iznosu od 30 KM ili više osvojili mali znak pažnje. Za račune iznad 80 KM, kupci su na poklon dobili dm kišobran, dm je također pripremio i 15% popusta na ukupnu kupovinu, koji vrijedi do 8.3.2025. godine.

Podrška Udruzi osoba s invaliditetom Posušje

Povodom otvorenja prodavnice dm je Udruzi osoba s invaliditetom Posušje uručio donaciju u iznosu od 5.000 KM. Ova Udruga, koja djeluje od 2007. godine, kroz različite aktivnosti podržava svoje članove, omogućava im edukacije, izlete i zapošljavanje te ih podstiče na kreativni rad.

„Donacija koju smo primili od dm-a značajno će nam pomoći u svakodnevnim aktivnostima, naročito u izradi rukotvorina koje su važan dio našeg rada. Osim toga, zahvaljujući ovoj podršci, moći ćemo organizovati i obilježavanje Dana osoba s invaliditetom“, poručili su iz Udruge.

Marijana Kutle, područna menadžerica dm-a, tom prilikom je istakla: **„Sretni smo što otvaranjem naše prodavnice možemo pružiti podršku Udruzi osoba sa invaliditetom. Vjerujemo da je zajedništvo ključ za pozitivne promjene i nadamo se da će ova donacija doprinijeti njihovom svakodnevnom radu i kvalitetu života. Nastavit ćemo biti odgovoran partner zajednici u kojoj poslujemo. Osim toga svakodnevno mislimo i na naše kupce te im nastojimo pružiti bogatu ponudu proizvoda i usluga po UVIJEKPOVOLJNO cijenama. Tu su još i dm active beauty program lojalnosti te Moj dm aplikacija s kojima kupovina u dm-u donosi i dodatne uštede.“**



Osvojite vrijedne nagrade!

Povodom otvorenja prodavnice, dm je organizovao i nagradnu igru koja traje do 20.3.2025. godine. Svi kupci imaju priliku osvojiti jednu od tri vrijedne nagrade: Cross Areal Trekking bicikl, Tefal peglu za vertikalno peglanje ili jednu od deset dm poklon kartica u vrijednosti od 50 KM.

dm prodavnica u Posušju otvorena je od ponedjeljka do subote, od 9:00 do 21:00 sat, dok je nedjeljom i prazničnim danima zatvorena.



Više informacija o dm drogerie markt d.o.o.

dm je na bosanskohercegovačkom tržištu prisutan od juna 2006. kada je otvorena prva dm prodavnica u sarajevskom naselju Dobrinja. Za 18 godina dm se sa više od 1.200 zaposlenika i 93 prodavnice u 47 gradova te distribucijskim centrom u Sarajevu pozicionirao kao vodeća kompanija u kategoriji drogerija. U poslovnoj godini 2023/24. dm je u Bosni i Hercegovini ostvario promet od 421,2 miliona KM. Asortiman dm-a obuhvata gotovo 14.000 proizvoda etabliranih svjetskih i domaćih proizvođača, među kojima je 31 dm robna marka kao što su Balea, alverde, Mivolis, trend !t up, DenkmIt, babylove, dmBio i druge. U cjelokupnom asortimanu posebno mjesto zauzimaju organska hrana, prirodna kozmetika i ekološki prihvatljivi proizvodi.

dm u BiH imidž Najpoželjnijeg poslodavca, priznanja koje mu je dodijeljeno deset puta, od toga osam puta zaredom, gradi kontinuiranom brigom o zaposlenicima te im, uz brojne pogodnosti kao što su redovni sistematski i stomatološki pregledi, školovanja i edukacije, svake godine isplaćuje regres i 13. platu.

Saopštenja za javnost na raspolaganju su Vam na <https://www.dm-drogeriemarkt.ba/pr-imediji/saopstenja-za-medije>, a arhiva fotografija na <https://www.dm-drogeriemarkt.ba/pr-imediji/fotografije-za-medije>.

Za više informacija molimo Vas kontaktirajte:

Ajla Hadžić, menadžer Marketinga, dm drogerie markt d.o.o.

Tel: 033/778-300, e-mail: ajla.hadzic@dm-drogeriemarkt.ba

Alena Kulenović - Delić, PR Director, agencija McCann

Tel: 033/267-121, e-mail: alena.kulenovic@mccann.ba